

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126164](#)

Dominica XVIII. post Trinitatis.

mus, Zeph. 2, 15. Exemplo est Absolon: sed infeli ci cum successu, 2. Sam. 18, 14. Ideoq; seipsum humiliare & culibet honorem suum exhibere præstat. Deus justo tempore ipsi confidentes extolle. Si in hoc seculo id non fit, certo certius fiet in vita æter-

na, ubi nos Reges & Sacerdotes faciet. Apoc. 1. v. 6. ut cum Christo sedeamus in throno suo, Apoc. 3. v. 21. & claritatem videamus, quam Pater ejus ipse dedit. Fiat id per Christum Jesum!

Amen.

Dominica X VIII. post Trinitatis.

Evangelium Matth. 22, v. 34.

EXORDIUM.

Poste aquam Deus Opt. Max. Israëlitas Ægypto eduxerat, præcedebat eos ad ostendendam viam per diem in columnâ nubis, & per noctem in columnâ ignis, ut lumen præberet eis, & dux esset itineris, utroque tempore, Exod. 13, 21. Hæc allegoricè interpretabimur.

Nos omnes non minus quam Israëlitæ viatores sumus in eremo hujus mundi, & facilè in devia aberrare possumus, multa enim scandala & prava exempla occurront, quibus corda innocentium seduci possunt ad iniquitatem, Rom. 16, v. 18. Quin & Diabolus valde negotiosus est. Et veluti alias noctu quandoq; ignis erraticus visitur, qui viatores à rectâ semitâ seducit, ut sœpè in vita discriben adducantur: sic & ignes erratici in spirituali hujus mundi peregrinatione occurront, à Diabolo emissi, ad pios Christianos à recto tramite seducendos, & in æternum exitium præcipitandos. Ex una parte ad sunt filii hujus seculi, ipsis acclamantes: Veni nobiscum, implebitis domus nostras spoliis. Sortem mitte nobiscum: marsupium unum sit omnium nostrum,

Prov. 1. v. 13. Sap. 2. v. 6. seqq. Ex altera parte accedunt Pseudo-Propheta & heretici, & illiciunt eos in montes suos, Psal. 11. v. 1. Hic dicit: Hic est Christus: Iste, illic est: Ille, est in deserto, est in penetralibus, Matth. 24. v. 26. Hoc ipso verò simpliciores confunduntur, ut quid credere aut reprobare debeat, nesciant. sicut Galatæ, Gal. 5, 10.

Propterea via ductore cum primis nobis opus est, qui deducat nos in terrâ rectâ, Ps. 143. v. 10. ne declinemus in curvas vias, Ps. 125. v. ult. sed cautè ambulemus, Eph. 5. v. 15. super semitam justitiae, Psal. 23. v. 3. quæ ducit ad vitam, Matth. 7, 14. quam nobis Christus abitu suo ad patrem complanavit, Joh. 14, 3. & verbum suum velut columnam ducentem nobis adjunxit, ut in hac mundi solitudine idem observemus, si bonum à malo separare velimus. Habemus enim firmum sermonem Propheticum, 2. Petr. 3. v. 19.

Ideam habemus in prælecto Evangelio, ubi Scribæ quæstionem solvit, quam de legie proposuerat, & deinde de Messia eam informationem subjicit, ut qui quis possit co-

gno-

gnoscere, quod non modò filius Davidis, sed & Dominus Davidis sit, verbo: Στέρεσθαι in una personā. Qui hæc duo dicit, non facilè aberrabit in ærumnosâ hujus vitæ peregrinatione, sed per tenebrosam vallem mortis feliciter transibit, & feliciter appellat, in cœlesti Hierosolymâ, ubi πολίτευμα nostrum est, Phil. 3, 20.

Nos absq; ulteriori præloquio ad ipsam Evangelii meditationem accedemus, ex eodem tractaturi.

- I. Ανθρωπολογια, sive notitiam nostri.
- II. Χριστορacia, sive notitiam Christi.

J. J.

Exegesis.

DE infernali Leviathan inter alia dicitur: *Magnifica squama ejus sunt fortissima scuta, compactum squamis se prementibus: Una unicongunjitur, & ne spiraculum quidem incedit per eas: Una alteri adhæredit, & tenentes sic, nequaquam separabuntur*, Hiob 41.v.6.7.8.

Quæ haꝝ squama? Sunt Diaboli satellites, qui jugum ducunt cum infidelibus, 2. Cor. 16.v.14. ejusq; regnum pro virili propagare & promovere satagunt. Propterea uno consensu juncti, trahunt iniquitatem in funibus vanitatis, & quasi funibus plaustris, peccatum, Esa. 5.v.18. imprimis, quando contra Christum agunt: sicut hujus rei in prælecto Evangelio luculentum exemplum habemus, ubi Pharisei technis suis Christum adoriantur, qui audierant, quod Sadducæis os obturasset, ut ignominiam hanc eorum vindicarent.

Notitiam nostri hinc discemus, si spe-
ctabimus:

I. *Phariseorum congregationem*. Audientes enim, quod silentium imposuisset Sad-

ducæis, convenerunt in unum, deliberaturi nimirum, quomodo Christum insidiis suis circumvenirent, & contumeliam afficerent.

Quid cum Sadducæis acciderit, in præcedentibus exprimitur. Quia enim mortuorum resurrectionem in dubium vocabant, questionem Christo proponebant de muliere, quæ septem viros successivè habuerit, cujas in resurrectione futura sit, existimantes, ejusmodi hanc fore questionem, ad quam Christus respondere non possit. Sed opinio fecellit eos: expedite enim Dominus respondebat: Erratis, nescientes scripturas, neq; virtutem Dei. In resurrectione enim neque nubent, neque nubentur, sed sunt sicut angeli Dei in celo. Hoc ipso ad-eo iis silentium imposuit, ut audientes turbæ obstuپuerint doctrinam ejus.

Quia igitur Pharisei metuebant, ne Christus applausum populi sibi conciliaret, non è re sua fore censemant, si ita abire sinerent; ideo convenerunt in unum, vitam sibi acerbam putantes, nisi ignominiam hanc vindicaverint. Quamvis enim alias cum Sadducæis non faciebant, sed Vatiniano odio eosdem prosequabantur: attamen invidebant Christo hunc honorem, ut ipse Hierosolymis celebraretur, quod palmam à Sadducæis reportasset, & sic ex parte Phariseorum appetat, non modò *insignis pertinacia*, dum argumentorum nervis convicti, veritati cedere nolunt: sed & *clandestina invidia*, quæ Christo honorem debitum invidet, ut Saul Davidi, 1.Sam.18.v.7. Quin & *elata superbia*, dum feliciori cum successu rem acturos se arbitrantur, tanquam claves scientiæ habentes, Luc. 11.v.52. nec dubitantes, quin Servatoris laudem, si quam à Sadducæis reportaverit, hac ratione decolorare possint. Hoc enim impio-

Zz

rum